

**AWIG - AWIG
DESA ADAT MANUABA
TAHUN 2019
KAPARIPURNAYANG TAHUN 2021**



**DESA KENDERAN
KECAMATAN TEGALLALANG
KABUPATEN GIANYAR
2021**

P E D A G I N G

MAKA BANTANG AWIG-AWIG DESA ADAT MANUABA MURDHA

WIDANG

MURDHA CITTA

PRATHAMA SARGAH	ARAN LAN WAWIDANGAN DESA	2
DWITYA SARGAH	PATITIS LAN PAMIKUKUH	3
TRITYA SARGAH	SUKERTA TATA PAKRAMAN	
	Palet 1 Indik Krama	4
	Palet 2 Indik Prajuru/Dulun Desa	8
	Palet 3 Indik Kulkul	13
	Palet 4 Indik Paruman	15
	Palet 5 Indik Druwen Desa	17
	Palet 6 Panyanggran Banjar	19
	Palet 7 Paiketan Krama lan Sekaa.....	20

CATHUR SARGAH

SUKERTA TATA AGAMA

	Palet 1 Indik Dewa Yadnya	21
	Palet 2 Indik Resi Yadnya	27
	Palet 3 Indik Pitra Yadnya	28
	Palet 4 Indik Manusa Yadnya	33
	Palet 5 Indik Bhuta Yadnya	34

PANCAMA SARGAH

SUKERTA TATA PAWONGAN

	Palet 1 Indik Pawiwahan	36
	Palet 2 Indik Nyapian	38
	Palet 3 Indik Sentana	40
	Palet 4 Indik Warisan	42

SAD SARGAH	SUKERTA TATA PALEMAHAN	
	Palet 1 Karang, Tegal lan Carik	45
	Palet 2 Pepayonan	46
	Palet 3 Wewangunan	47
	Palet 4 Wewalungan	47
	Palet 5 Bhaya	48
SAPTAMA SARGAH	WICARA LAN PAMIDANDA	
	Palet 1 Indik Wicara	50
	Palet 2 Indik Pamidanda	51
ASTAMA SARAH	NGUWAH-NGUWUHI AWIG-AWIG	
NAWAMAS SARGAH	SAMAPTA	53

MURDHA CITTA

AUM, OM

Om Swastyastu, Om Awighnamastu Nama Sidaam.

Malarapan panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban krama Desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawana maurip, jangkep saha Tri Hita Karana, luwire :

- ha. Parhyangan, sahananing kahyangan, panyiwian desa genah ngarcana Ida Hyang Parama Wisesa, maka jiwana desane.
- na. pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.
- ca. Palemahan, tanah kakuwuban desa, sinanggeh stula sariraning desane.

Adung patemon Bhuwana kalih, larapan santi jagadhita, sinanggeh murdhaning prayojana pangriptaning Awig-Awig Desa Adat ring sabha krama desa Adat Manuaba.

Pamutus sabha inucap pinaka sepat siku-siku pamatut, wastu prasida prayojanan sami kabeh prasama anghidep muwah amagehaken kadi linging Awig-Awig iki.

PRATHAMA SARGAH
ARAN LAN WAWIDANGAN DESA

Pawos 1

- (1) Desa Adat puniki mawasta Desa Adat Manuaba
- (2) Jebar kakuwuban wawidangannya mawates utawi mapanyanding nyatur
 - ha. Sisi wetan ring Tukad Petanu.
 - na. Sisih Kulon ring Tukad Tungkang.
 - ca. Sisih Lor mapanyanding Desa Adat Dlodblumbang.
 - ra. Sisih Kidul mapanyanding Desa Adat Kenderan.
- (3) Desa puniki kawangun antuk karang ayahan Desa lan karang gunakaya kaepah dados 7 bebanjaran, luwire :
 - ha. Banjar Pande
 - na. Banjar Tangkas
 - ca. Banjar Tengah
 - ra. Banjar Triwangsa
 - ka. Banjar Gunaksa
 - da. Banjar Dukuh
 - ta. Banjar Pinjul

DWITYA SARGAH
PATITIS LAN PAMIKUKUH

Pawos 2

Desa Adat Manuaba ngamanggehang pamikukuh minakadi :

- ha. Pancasila;
- na. Undang-Undang Dasar 1945 pamekas Pasal 18B ayat (2);
- ca. Undang-undang Nomor 39 Tahun 1999 tentang Hak Asasi manusia;
- ra. Perda Propinsi Bali Nomor 4 Tahun 2019 tentang Desa Adat di Bali;
- ka. Tri Hita Karana mawit saking dresta pinaka dasar kerahayuan jagat Bali sane kebawos *Sad Kerthi* :
 - a. Penyucian Atma(*Atma Kerthi*);
 - b. Penyucian Segara(*Segara Kerthi*);
 - c. Penyucian Danu(*Danu Kerthi*);
 - d. Penyucian Wana(*Wana Kerthi*);
 - e. Penyucian Jana(*Jana Kerthi*);
 - f. Penyucian Jagat(*Jagat Kerthi*).

Pawos 3

Luwir Patitis Desa Adat Manuaba

- (1) Ngukuhin miwah ngarajegang Sang Hyang Agama
- (2) Ninggilang tata prawertining maagama Hindu
- (3) Ngarajegang kasukertan desa saha pawongannya sekala niskala

TRITYA SARGAH
SUKERTA TATA PAKRAMAN

Palet 1

Indik Krama

Pawos 4

- ha. Sane kabawos Krama Desa Adat inggih punika kulawarga sane ma Agama Hindu, ngamong karang desa utawi karang ngraga jenek mapaumahan ring sawidangan Desa Adat Manuaba, saha mipil lan kasurat ring ilikita;
- na. Sajaba punika kebawos Krama Tamiyu lan Tamiyu
- ca. Krama Tamiyu inggih punika warga sane ma Agama Hindu mawit saking dura desa jenek ring Desa Adat Manuaba nenten mipil nanging kasurat ring ilikita;
- ra. Tamiyu inggih punika warga siyosan ring Krama Desa lan Krama Tamiyu nenten mipil nanging kacatet ring ilikita;
- ka. Indik Krama Tamiyu lanTamiyu salanturnya manut Pararem.

Pawos 5

Krama Desa Adat wenten 4 (petang) pawos, luwire :

- ha. Krama Ngarep, kula warga sane ngamong karang Desa;
- na. Krama pangempian/pangele kulawarga sampun mawiwaha jenek mapaumahan ring wewidangan Desa Adat Manuaba;
- ca. Krama balu, krama sane katinggalin seda olih lanang utawi istri nyane, utawi sangkaning nyapihan, krama balu inucap kabinayang dados :
 - 1) Balu makrambian, inggih punika balu sane maduwe sentana dereng marabian utawi dereng antes ngayah;
 - 2) Balu ngalisting inggih punika balu sane tanpa sentana.

ra. Krama-tapukan, kulawarga manut aksara ha utawi na ring ajeng sakawanten durung antes ngayah utawi salami kantung masekolah malarapan ilikita pastika saking sekolahnya.

Pawos 6

Ngawit dados Krama Desa Adat:

ha. Sangkaning ngawit ngamong karang, jenek mapaumahan;

na. Mawiwit pawiwahan.

Pawos 7

Panamaya tedun makrama Desa

ha. Nyabran 6 sasih nemonin Buda Kliwon Dunggulan;

na. Ngawit jenek mapaumahan, manut pararem.

Pawos 8

ha. Krama Desa Adat madruwe Swadharma/ ring Desa Adat luwire :

1) Krama Desa Adat ngemargiang swadharmaning negep ring sajeroning Parahyangan, Pawongan, lan Palemahan Desa Adat;

2) Krama Tamiu ngemargiangswadharma nenten negep sajeroning Parahyangan, Pawongan, lan Palemahan Desa Adat; lan

3) Tamiu ngemargiang swadharmaning nenten negep sajeroning Pawongan lanPalemahan Desa Adat.

na. Krama Desa Adat Maduwe Swadikara/ ring Desa Adat luwire :

1) Krama Desa Adat maduwes wadikara negep sajeroning Parahyangan, Pawongan, lan Palemahan Desa Adat;

2) Krama Tamiu maduwe swadikara nenten negep sajeroning Parahyangan, Pawongan, lan Palemahan Desa Adat;

3) Tamiu maduwe swadikara nenten negep sajeroning Pawongan lan Palemahan Desa Adat.

ca. Indik swadharma lan swadikara Krama Desa Adat, Krama Tamiu, lan Tamiu selanturnya manut Pararem.

Pawos 9

Swadharmaning krama, sewosan ring tategenan, luwire :

- ha. Tinut saturut ring sedaging Awig-Awig, pararem lan paswasran Desa;
- na. Tan maren ngutsahayang mangda Desane mrasidhayang nyujur manut patitis;
- ca. Satinut ring Guru Wisesa.

Pawos 10

Swadharman Tamiyu, luwire :

- ha. Satinutring yasa kertin Desa;
- na. Tan piwal ring sadaging Awig-Awig, pararem lan paswaran Desa;
- ca. Nyadokang raga ring Prajuru tigang rahina ngawit pangrauhe malarapan antuk ilikita pastika saking desane utawi sang ngawawenang;
- ra. Yan tan tinut pacang kairid (tan kadadosang jumenek ring Desa).

Pawos 11

Pioli-oli Krama Desa Adat:

- ha. Polih pasayuban sakala niskala tur kabawosin saha katiwakin pamutus sahanan wicara;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru.

Pawos 12

Krama Desa Adat kadadosang :

- ha. Mapoangkid utawi tan tedun :
 - 1) Rikala mapawangun, mayadnya, matepetin rare, sungkan, kaluasan, lan siosan punika;
 - 2) Keicenin tempo wantah apisan, sajawanin wenten wak-wakan saking Prajuru Desa.

- na. Nyada mapiteges ngamademang ayah, risampun mayusa 75 warsa, tur tan dados nyuksukin, sang nyada mangda digelis (sajeronging 1 warsa) mangda nyantenang panyeledihi;
- ca. Nyade, utawi nyuksukin, sane kawenangang risampun manggeh deha-teruna utawi mrasidayang nganutin krama;
- ra. Nutug ayah antuk arta brana saantukan kapialang utawi ngentos ayah-ayah antuk arta brana manut Pararem soang-soang Banjar.

Pawos 13

Wusan dados Krama Desa, luwire :

ha. Sangkaning :

- 1) Pinunas ngaraga, manawi kesah kadura Desa utawi ngalangkungin sagara;
- 2) Kanorayang, duaning sampun tan prasida ngesein salah maprawerti satata nguwug pamargin Awig-Awig;
- 3) Wusan makrama desa mapiteges wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngalanting.

na. Sang wusan makrama :

- 1) Patut ngaturang karang ayahan ka Desa prade karang punika karang desa;
- 2) Tan polih pah-pahan saking padruweyan Desa/Banjar;
- 3) Tan polih pasayuban sajeronin ala ayu;
- 4) Sang wusan makrama Desa/Banjar prade mawali patut nawur saurah arih tategenan krama manut pararem/penanjung batu.

ca. Sang wusan sangkanin kanorayang, prade mawali malih patut :

- 1) Muntasang saluwir pamidanda utawi tategenan sane ngranayang kanorayang;

- 2) Nunas geng pangampura ring paruman desa madurulan panyangaskara panyapsap kaiwangan dawning ngeruwak pasubaya pecak.

Palet 2

Prajuru Lan Dulun Desa

Pawos 14

Dulu-dulu Desa Adat Manuaba inggih punika :

- ha. Prajuru Desa Adat
- na. Sabha Desa Adat
- ca. Kerta Desa Adat
- ra. Kelian Banjar Adat

Pawos 15

- (1) Desa Adat Manuaba kaenter olih Prajuru DesaAdat;
- (2) Banjar Adat kaenter olih Kelian Banjar Adat:
- (3) Prajuru Desa Adat inggih punika :
 - ha. Bandesa Adat
 - na. Petajuh Bendesa Adat pinaka wakil
 - ca. Penyarikan Desa Adat pinaka Juru Surat
 - ra. Patengen pinaka Juru Raksa Desa Adat
 - ka. Baga baga/Staf Desa

Pawos 16

Ngadegang Prajuru DesaAdat lan Kelian Banjar Adat

- (1) Bandesa Adat kaadegang olih Krama Desa malarapan paigum pakayunan paras-paros asah asih asuh, gilik seguluk lingkup
- (2) Kelian Banjar Adat kaadegang olih krama Banjar Adat malarapan paigum pakayunan paras-paros asah asih asuh, gilik seguluk lingkup
- (3) Prajuru Desa Adat manut Pawos 15 angka (3) aksara na, ca lan ra olih Bandesa Adat ring paruman Sabha Desa Adat

- (4) Prajuru Desa Adat lan Kelian Banjar Adat sane kaadegang patut :
- ha. Mawit saking krama Desa Adat
 - na. Uning ngwacen aksara Bali/ latin
 - ca. Uning tata titining mawa desa
 - ra. Uning ring painedikan agama, adat lan budaya
 - ka. Sengker ayah-ayahan 5 (limang) warsa, yang sampun puput
sengker ayah-ayahan dados kapilih malih
 - da. Maduluran upasaksi :
 - 1) Prajuru Desa Adat ring Pura Desa Bale Agung
 - 2) Prajuru Banjar Adat ring Pura Banjar

Pawos 17

- (1) Swadarmaning Prajuru Desa Adat lan Prajuru Banjar Adat :
- ha. Ngenterang krama Desa Adat lan warga desa ngelaksanayang
Awig-Awig lan Pararem Desa Adat
 - na. Ngarincikang wewangunan ngeninin indik Parahyangan,
Pawongan, Palemahan lan sane siosan mabuat saha prabiania
sareng Sabha Desa Adat
 - ca. Mahosin saha niwakang pamutus wicara adat warga desa sareng
Kerta Desa Adat
 - ra. Bandesa Adat pinaka duta Desa Adat matemuang baos ring sapa
sire ugi yening wenten wicara
 - ka. Nyadokang sapemargin wawangunan saha panelasan prabiyania
lan munjuk lungsur padruwen desa ring Paruman Desa Adat

Pawos 18

(1) Prajuru Desa Adat wenang :

- ha. Mutusang ngerincikang sane becik nincapang usaha sane kakaryaning olih LPD lan BUPDA
- na. Ngukuhang parincikan prabia pikolih lan panelas Desa Adat ngawarsa
- ca. Nganggen padruwen Desa Adat sajeroning ngayahang swadarmaning prajuru
- ra. Ngadegang lan ngararianang panureksa lan prejuru LPD lan BPUDA sasampune kaingkupin olih Sabha Desa Adat
- ka. Nuriksin lan nuntun parikrama ring wawidangan Desa Adat
- da. Nibakang pamindanda majeng ring krama sane sisip manut putusan Kerta Desa Adat

(2) Prajuru Desa Adat dados nyudi pangayah sane jagi maridadab indik administrasi lan ngurusin indik jinah Desa Adat

(3) Patias utawi olih-olihan Prajuru Desa Adat manut Pararem.

Pawos 19

Prajuru/Dulun Desa kagentosin riantukan :

- ha. S e d a;
- na. Pinunas ngeraga
- ca. Sampun puput sengker ayah-ayahan
- ra. Kanorayang dwaning nilar sesana;
- ka. Ngentosin Prajuru Desa Adat patut ring sajeroning Paruman Desa Adat, ngentosin Prajuru Banjar Adat patut ring Paruman Banjar, tur patut kaingkupin olih paling kidik kalih pah tiga olih sane patut miletin paruman.

Pawos 20

Sabha Desa Adat lan Kerta Desa Adat

- (1) Sabha Desa Adat lan Kerta Desa Adat kaadegang olih Prjuru Desa Adat
- (2) Sane kaadegang Sabha Desa Adat lan Kerta Desa Adat inggih punika para moncol (tokoh) Krama Desa Adat sane kacatri dados utusan suang-suang Banjar Adat manut pawilangan akeh lan kidik krama nyane

Pawos 21

Sane dados kaadegang Sabha Desa lan Kerta Desa inggih punika :

- ha. Krama Desa Adat uning ngwacen miwah nyurat aksara bali / aksara latin
- na. Nganut saking mawiwaha ngantos warsa yusa 70 (pitung dasa) warsa
- ca. Uning ring parindikan agama, adat lan budaya
- ra. Kenak angga lan pikayun
- ka. Lascarya ngayah tur madruwe parilaksana sane rahayu
- da. Kacumponin olih krama desa lan maduluran upasaksi ring Pura Desa Bale Agung
- ta. Sengker ngayah 5 (limang) warsa, yan sampun puput sengker ngayah dados kacatri malih

Pawos 22

Susunan (Struktur) Sabha Desa Adat lan Kerta Desa Adat

- (1) Susunan Sabha Desa Adat inggih punika :
 - ha. Kelian Sabha Desa Adat
 - na. Petajuh Kelian Sabha Desa Adat
 - ca. Penyarikan Sabha Desa Adat
 - ra. Angga Sabha Desa Adat manut baga-baga inggih punika :
 - ka. Kelian Sabha Desa Adat, Petajuh Kelian Desa Adat, Penyarikan Sabha Desa Adat lan Baga-baga kapilih ring paruman Sabha Desa

Adat malarapan paiguman asah asih asuh paras paros gilik seguluk ingkup.

(2) Susunan Kerta Desa Adat inggih punika

ha. Bandesa Adat madeg manggala Kerta Desa Adat ngrangkep angga

na. Petajuh manggala Kerta Desa Adat ngrangkep angga

ca. Penyarikan Kerta Desa Adat ngrangkep angga

ra. Angga Kerta Desa Adat :

ka. Petajuh lan Penyarikan manut aksara na lan ca ring ajeng kapidi ring Paruman Kerta Desa Adat.

(3) Sengker galah ngayah Sabha Desa Adat lan Kerta Desa Adat 5 (limang) warsa, yan sampun puput sengker ngayah dados kapidi malih.

Pawos 23

Swadarmaning Sabha Desa Adat lan Kerta Desa Adat

(1) Swadarmaning Sabha Desa Adat inggih punika :

ha. Ngaturang dharma tatimbang ring Prajuru Desa Adat sajeroning ngenterang Desa Adat

na. Nyuratang Awig-awig lan Pararem tur patut kaingkupin olih Paruman Desa Adat

ca. Nyarengin Prajuru Desa Adat ngerincikan wewangunan saha prabiania ngeninin indik Parahyangan, Pawongan, Palemahan lan sane tiosan sane kapikayun mabuat prasida nincapang kasukertan Desa Adat.

ra. Ngukuhang pasadok Prajuru Desa Adat ngeninin indik wawangunan saha prabiania lan munjuk lungsur padruean Desa Adat sadurung kasobiahang ring Krama Desa.

Ka. Prawantaka Pamadengan Prajuru Desa Adat

(2) Swadharmaning Kerta Desa Adat inggih punika :

ha. Maosin saha niwakang pamutus wicara adat warga desa

- na. Maosin wicara adat patut kautsahayang malarapan paigum asah asih asuh druenang sareng-sareng
 - ca. Prade tan prasida manut aksara na ring ajeng, Kerta Desa Adat wenang ngemargiang panureksan wicara tur ngemedalang pamutus wicara manut awig-awig, pararem lan dresta
 - ra. Ilikita pamutus wicara kalingga tanganin olih Bandesa Adat pinaka manggala Kerta Desa Adat
 - ka. Prade Bandesa Adat lan angka Kerta Desa Adat wenten paiketan ring wicara sane patut kabaosin, Bandesa Adat lan angka Kerta Desa Adat punika tan dados sareng maosin wicara punika, Bandesa Adat pinaka manggala Kerta Desa Adat ring sajeroning indik punika kagentosin olih angka Kerta Desa Adat sane yusanne pinih lingsir.
- (3) Patias utawi olih-olihan Sabha Desa Adat lan Kerta Desa Adat :
- ha. Luput ayah lan papeson rerampen
 - na. Patias siosan manut Pararem

Palet 3

Indik Kulkul

Pawos 24

- (1) Kulkul ring Desa luwire :
 - ha. Kulkul ring Kahyangan;
 - na. Kulkul Desa;
 - ca. Kulkul Banjar;
 - ra. Kulkuk Sekaa-sekaa.
- (2) Tabuh tapakan kulkul ring Kahyangan Desa :
 - ha. Nungtit / silih asih, tengeran wenten Yadnya/Upacara;
 - na. Tulus lambat, tengeran tedun ngayah;
 - ca. Bulus, tengeran wenten bhaya.

- (3) Tabuh tatepakan kulkul ring soang-soang bebanjaran :
- ha. Bulus
- 1) 1 tulus bulus, tengeran kageni bhaya;
 - 2) 2 tulus bulus, tengeran kapandangan (artha bhaya);
 - 3) 3 tulus bulus, tengeran jiwa bahaya;
 - 4) Tigang klentungan bulus panjang, tengeran lindu, er, lan pawana bhaya.
- na. Lambat :
- 1) 2 tulus lambat, tengeran tedun ngayah utawi wenten pakarya;
 - 2) Nungtit silih asih tengeran surya grha, bulan kapangan;
 - 3) 3 tulus lambat, tengeran kalayu sekaran.
- ca. Klentungan :
- 1) 1 klentungan, tengeran rare embas;
 - 2) 2 klentungan, tengeran pawiwahan;
 - 3) 3 klentungan ngempang panjang, tengeran ngawangdeang karya;

Pawos 25

- (1) Kulkul Desa utawi Banjar tan wenang katepak yening tan sangkaning pituduh prajuru Desa/Banjar sajawaning tengeran bhaya;
- (2) Sang nepak tan sangkaning pituduh, patut digelis atur supeksa maka buatan panepake, yan tan sapunika wenang sang memurug kadanda manut pararem;
- (3) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa/Banjar sajawaning tengeran bhaya.

Palet 4
Indik Paruman
Pawos 26

- (1) Paruman/sangkepan ring Desa Adat Manuaba wenten :
 - ha. ParumanDesa/Banjar, kawentenang :
 - 1) Nyabran ngasasih, maka cihna tanpa arah-arah, dawning sampun tetep panamaya manut pararem bebanjaran soang-soang.
 - 2) Napkala (Padgata kala) maka jalaran arah-arah manut tatujon.
 - na. Sangkep Prajuru/Dulun Desa, kawentenang manut wiguna;
 - ca. paruman sekaa-sekaa manut pabuat.
- (2) Paruman Desa utawi Banjar madudonan sakadi ring sor :
 - ha. Prasida lumaksana risampun katedunin olih sang patut ngamiletin, makanggala antuk tengeran kulkul miwah mabusana adat madya, sane tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane;
 - na. Pangawit kalaksanayang panyacak sep-sepan;
 - ca. Tan kelugra ngawetuang suwara gora utawi biota, yan wenten asapunika keni pamidanda beya pacamil kadi dandaning nguman-uman ring sabha lan prajuru;
 - ra. Pamutus bebawos beriuk sapanggul (ingkup) punika kamanggehang.
- (3) Prade pidaging paruman tan kaingkupin mangdaPrajuuru/Dulun Desa ngilikang bebawos, saha pamutusnya mangda kararemin olih Krama Desa, bilih tan prasida kasungkemin jantos ping tiga Prajuuru/Dulun Desa wenang nunas bawos ring Sang Ngawa Wenang.

Pawos 27

- (1) Sajeroning Paruman Desa, Bendesa patut nyobyahang pamargin ngenterang Desa, pamekas nganinin indik :
 - ha. Munjuk lungsuring adat saha ayah-ayah, sulur arta brana, druwen Desa;
 - na. Rarincikan Prajuru/Dulun Desa nganinin usaha Desa kapungkur.
- (2) Pamutus paruman Desa sinanggeh pararem maka pamitegep daging Awig-awig.

Pawos 28

- (1) Sangkepan prajuru/Dulun Desa kawenangang wantah ngarincikang pangerencana usaha Desa kapungkur;
- (2) Sangkepan Prajuru/Dulun Desa tan kawenang ngaweladang tategenan ring Krama sadereng kaingkupin olih krama Desa ring paruman.
- (3) Pamutus sangkepan prajuru/Dulun Desa ngawetuang pasuwara, maka pidaging pituduh sang ngawawenang utawi ngonekang pecak pararem krama desa.

Palet 5
Indik Druwen Desa
Pawos 29

Padruen Desa Adat Manuaba sakadi ring sor :

ha. Kahyangan Desa luwire :

- 1) Kahyangan Tiga : Pura Desa /Bale Agung, Pura Puseh, Pura Dalem lan Praja Pati.
- 2) Pura Melanting.
- 3) Pura Pempatan / Catur Buwana.
- 4) Pura Griya Sakti Manuaba lan Tegal Sari, Pura Taman, Pura Dama Keling.
- 5) Pura Subak Manuaba mengengah ring Desa Adat Bayad

na. Wantilan Desa

ca. Tanah tegalan (manut ilikita)

ra. Karang Ayahan Desa;

ka. Setra-Setra;

da. Palaba pura, carik/tegal (manut ilikita);

ta. Lelanguan, makadi tetabuhan lan ilen-ilen padruwen
Desa/bebanjaran luwire :

- 1) Gong soang-soang Banjar;
- 2) Angklung soang-soang Banjar;
- 3) Ilen-ilen wali Pura : Rejang, Baris, Topeng, soang-soang Banjar;
- 4) Muwah padruwean tiyosan.

sa. Nyasa, sasanthi;

wa. Labda Pacingkreman Desa Adat utawi LPD.

la. Boga Usaha Padruwen Desa Adat utawi BUPDA.

Pawos 30

Palemahan Desa Adat

- ha. *Palemahan* Desa Adat mekadi tanah milik Desa Adat lan tanah *guna kaya* padruwen desa utawi ngeraga.
- na. Tanah Desa Adat maduwe kawigunan adat, keagamaan, tradisi, budaya, lan ekonomi.
- ca. Tanah *guna kaya* sekadi kebawos ring ayat (2) maduwe kawigunan adat, keagamaan, tradisi, budaya, lan ekonomi majengsang madruwe sosial hak atas tanah.

Pawos 31

ha. Jagi Pacang Kagentosin Hak lan Fungsi atas Tanah Duen Desa Adat saluwire ; 1.Tanah Desa

- 2. Tanah Laba Pura
- 3. Tanah Pekarangan Desa
- 4. Tanah Ayahan Desa

Mangda kemargiang kemanggehan manut pasuara *Paruman* Desa Adat/*Banjar* Adat.

- na. Asing-asing Keputusan mangda kejawakan ring MDA tingkat Kabupaten/ Kota.
- ca. Jagi pacang kagentosin mangda didaftarkan manut suara pasobyah lan undang-undang sane memargi.

Pawos 32

Asing-asing jana sane wenten utawi jenek ring *Palemahan* Desa Adat patut ngutsahayan kasucian, kelestarian, kebersihan, lan ketertiban.

Pawos 33

Pioli-olihan Desa Adat Manuaba luwire :

- ha. Pioli-olihan saking palaba Pura;
- na. Urunan Krama Desa Adat lan Krama Tamiyu;
- ra. Paica-paica sane tiyosan, sane patut :
- ka. Usaha Desa Adat minakadi LPD lan BUNDA

Pawos 34

- (1) Prajuru/Dulun Desa wenang ngetangang pamupon laba Pura lan sapanunggalan dwuren Desa;
- (2) Pikoli lan pamuponnya kaanggen prabeya piodalan saha wewangunan ring Pura miwah anggen kabuatan Desa Adat;
- (3) Nyabran pasangkepan Desa, Prajuru/Dulun Desa pangamong druwe desa nguningayang pariindik munjuk lungsuring padruwean ring Krama Desa;
- (4) Sakaluwiring druwen Desa, patut wenten ilikitannya;
- (5) Tan kalugra ngadol utawi ngesahang padruweyan Desa yan tan kasungkemin olih Krama Desa ring paruman.

Palet 6

Penyanggran Banjar

Pawos 35

Krama Desa rikala ngawentenang karya suka-duka, patut kasanggra olih Banjar, luwire :

- ha. Prade ngawangun Pitra Yadnya utawi Manusa Yadnya, manut pinunas sang mayadnya;
- na. pangarombo utawi karya saling tulung krama patut katuran pangu sakasidan;
- ca. Pangu rikala Pitra Yadnya manut abot dangan Yadnya, manut pararem ring soang-soang Banjar.

Palet 7

Paiketan Krama lan Sekaa-sekaa

Pawos 36

(1) Desa Adat Manuaba madruwe paiketan-paiketan Sekaa-sekaa lan
baga minekadi :

- ha. Paiketan Pamangku
- na. Paiketan Serati
- ca. Paiketan Wredha
- ra. Pacalang
- ka. Yowana Desa Adat
- da. Paiketan Krama Istri Desa Adat
- ta. Pasraman
- sa. Sekaa-sekaa

**CATHURTAS SARGAH
SUKERTA TATA AGAMA**

Palet 1

Indik Dewa Yadnya

Pawos 37

- (1) Kahyangan Panyiwian ring sawidangan Desa Adat Manuaba luwire:
- ha. Kahyangan Tiga, Pura Desa/Bale Agung, Puseh miwah pura Dalem lan Prajapati;
 - na. Pura Pempatan / Catur Buwana rikala Anggara Kliwon Kulantir
 - ca. Pura Melanting rikala Buda Wage Klawu
 - ra. Pura Dadia ring soang-soang Banjar;
 - ka. Pura Geriya Sakti Manuaba rikala Anggara Kliwon Medangsia
 - da. Pura Tegal Sari
 - ta. Pura Ulun Sui suang-suang Subak
 - sa. Pura Penataran Pinjul
 - wa. Pura Linggih Tapakan Barong suang-suang.
- 1. Pura Dalem Lan Prajapati Br Pande
 - 2. Pura Bukit
 - 3. Pura Beji Br Pande
 - 4. Pura Penataran
 - 5. Beji Pura Penataran
 - 6. Payogan Ide Betara Ratu Gede
 - 7. Pura Masceti
 - 8. Pura Anyar
 - 9. Pura Prajapati Dukuh
 - 10. Pura Taman Dukuh
 - 11. Beji Pura Penataran
- (2) Rahina piodalan ring soang-soang kahyangan inucap, kadi ring sor :
- ha. Ring kahyangan tiga, luwire :
 - 1) Pura Desa/Bale Agung, rikala Buda Kliwon Dunggulan;
 - 2) Pura Puseh, rikala Sukra Kliwon Kuningan;

- 3) Pura Dalem, rikala Anggara Kliwon Dukut.
- na. Pura Prajapati, rikala Anggara Kliwon Dukut;
- ca. Pura Melanting, rikala Buda Wage Klawu;
- ra. Pura Geriya Sakti Manuaba, rikala Anggara Kliwon Medangsia;
- ka. Pura Pempatan/Catur Buwana, rikala Anggara Kliwon Kulantir.
- da. Pura Griya Belong, rikala Buda Umanis Prangbakat;
- ta. Pura Mrajan Agung Dukuh, rikala Buda Kliwon Matal;
- sa. Pura Taman, rikala Buda Umanis Medangsia.
- (3) Pangaci ring Pura inucap manut kecap sastra Agama, saha kalaksanayang nista, madia, utama manut kawentenan;
- (4) Pangempon soang-soang Pura manut dresta kadi ring sor :
- ha. Pura Puseh, Pura Desa Kaempon olih krama Desa Adat
1. Banjar Pande
 2. Banjar Tangkas
 3. Banjar Triwangsa
 4. Banjar Tengah
 5. Banjar Gunaksa
 6. Banjar Dukuh
 7. Banjar Pinjul
- ca. Pura Pempatan kaempon olih
1. Banjar Tangkas
 2. Tengah
 3. Triwangsa
 4. Gunaksa
- ra. Pura Dalem, kaempon olih Banjar Dukuh, Pinjul, Tangkas, Tengah, Triwangsa, Gunaksa, soang-soang saha magilir nyabran ngodalin;
- ka. Pura-Pura siwosan, minakadi :
- 1) Pura Bukit Br. Pande kaempon olih Krama Adat Br Pande;
 - 2) Pura Dalem Br. Pande kaempon olih Banjar/Warga Pande;

- 3) Pura Mrajapati Br. Pande kaempon olih Banjar/Warga Pande;
- 4) Pura Mrajapati Dukuh kaempon olih Krama Adat Br Dukuh;
- 5) Pura Penataran Pinjul kaempon olih Banjar/Warga Pinjul;
- 6) Pura Penataran Tangkas kaempon olih Warga Tangkas Tempek Dauhan;
- 7) Pura Dadiya kaempon olih Banjar/Warga Dadia soang-soang;
- 8) Pura Masceti utawi Pura Subak (Swagina) kaempon olih Banjar/Warga Subak soang-soang.
- 9) Pura Griya Belong kaempon olih Banjar/Warga Dukuh;
- 10) Pura Mrajan Agung kaempon olih Banjar/Warga Dukuh;
- 11) Pura Taman kaempon olih Banjar/Warga Dukuh;

Pawos 38

- (1) Ring soang-soang Pura inucap patut kaadegang Pamangku;
- (2) Ngadegang Pamangku manut dudonan :
 - ha. Turunan utawi waris;
 - na. Kacatri olih krama Desa;
 - ca. Nyanjan utawi masemurang, soang-soang mapiteges mapinunas ring ajeng Pura wiadin kadura Desa manawi ring balian konteng, lansapanunggilannya.
- (3) Tan kawenang adegang pamangku luwire :
 - ha. Cendangga makadi peceng, perot, cungh lan sapanunggilan ipun;
 - na. Sang sapisira ugi sane tan kapatutang manut pararem;
 - ca. Sakit ila, ayan, buduh wiadin edan;
 - ra. Sane tan madrebe kasucian urip.
- (4) Prabia kapamangkuan :

- ha. Adiksa Widhi (ngawintenin) lanang istri kamedalin saha kalaksanayang olih sang ngadegang, makadi krama Desa utawi pangempon Pura soang-soang;
 - na. Mapitra Yadnya riwekas lanang miwah istri patut kasungkemin olih Krama Desa Utawi pangemong, panyanggrane manut pararem;
 - ca. Sinalih tunggil krama yan wenten ngipik-ngipik sapari polah Pamangku, nanging pamangku tan sapunika pari polahnya kadi sane kaipik-ipik, wenang jadma inucap kasisipang nyuciang pamangku, manut pituduh para pinandhita.
- (5) Pamangku patut ngamanggehang sesananing pamangku luwire :
- ha. Ambek Dharma Sadhu;
 - na. Asewaka Dharma, makadang sastra utama;
 - ca. tan parek ring naya dustha;
 - ra. Tan atayub ring tarub camara yudha;
 - ka. Tan manjing ring umah wong banija krama;
 - da. Tan manjing ring umah wong drati krama;
 - ta. Tan wenang ajajuden;
 - sa. Tan anginum asing angawe mada;
 - wa. Tan pati pikul-pikulan;
 - la. Tan pati salah suluh;
 - ma. Tan wenang anayub upadrawaning cor, yan mawiyawahara teka wenang adewa saksi;
 - ga. Tan griganing wong akweh;
 - ba. Tan keneng cuntakaning won glen, sajawanin kulawarganya tunggil natah, utawi pasiwanya manut dresta.
- (6) Prade mamurug, wenang Pamangku nyepuhin raga kasaksinin olih prajuru Desa.
- (7) Yan pacang ngawalat rabi wenang ngaturang rumuhun pawintenanya, ring pura genahnya madeg pamangku nguni,

tembenya wawu wenang ngawalat rabi, riwus upacara nya wenang ngawana wasa salaminya atahun, wus punika wawu mawinten lakibi kadi pawintenanya nguni.

Pawos 39

Swadharman Pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama;
- na. Prade salah sinunggil Pamangku kapialang utawi cuntaka, kengin nguntap Pamangku kahyangan desa tiosan utawi nuhur sang sulinggih;
- ca. Samaliha yan sampun Pamangku ngayah ring Pura kancit wenten kulawargannya seda, Pamangku inucap tan keneng cuntakan sakewanten Pamangku nenten budal salami piodalan.

Pawos 40

Patias utawi olih-olihan Pamangku luwire :

- ha. Penyolasan miwah sarin canang ring soang-soang pakubon krama Desa;
- na. Upon palaba carik miwah tegal manut kawentenan;
- ca. Luput pakaryan, rerampen/reramon;
- ra. Patias sewosan manut sane kapatutang.

Pawos 41

(1) Pamangku kagentosin riantukan :

ha. Seda;

na. Pinunas ngaraga, sangkanin kageringan lan sapanunggalannya;

ca. Kauwusang olih krama sangkanin malaksana sane tan patut.

(2) Prade Pamangku kauwusang sangkaning malaksana tan patut keni pamidanda saha ngawaliang prabiya pawintenannya pecak.

Pawos 42

Kasukertan Kahyangan kadi ring sor :

ha. Tan kalugra ngaranjing kapura luwire :

- 1) Sang katiben cuntakan makadi sebel ring raga utawi kapademan;
- 2) Makta sahanan barang sinanggeh ngaletihin;
- 3) Sato agung, sajawaning rikala mpapada;
- 4) Mabusana sane tan patut kadi tatacaraning ngeranjing kapura;
- 5) Ssadereng polih wak-wakan (pituduh) Prajuru/Dulun Desa.

na. Partingkahe tan wenang ring pura :

- 1) Masumpah (cor) sajawaning pituduh Prajuru/Dulun desa;
- 2) Wak parusya/wak capala, makobetan, masasenengan, makolem dados asiki lanang wadon, mabacin, mawarih, macecepin rare, majaljal/majengilan, nyangsang busana, manahin pusungan (santukan punika rikala majajahitan patut magelung busung macingor lidinya);
- 3) Mungguh tedun palinggih sajawaning pituduh Prajuru/Dulun Desa.

ca. Sang mamurung kecap ring ajeng keni pamidanda pamrayascita sapatutnya.

Pawos 43

- (1) Yan wenten jadma karawuhan ring pura, dados kapintonin prade rumasa kasumangsayan, yan tan wiakti, jatma inucap kasisipang manut pamatut sang pinandita.
- (2) Prade Kahyangan kahanan durmanggala, minakadi keni bhaya Pamangku/Sang manggihin, patut digelis nyadokang ring Prajuru/Dulu mangda marumang krama Desa tur ngawentenang pamrayascitta sapatutnya.

Palet 2

Indik Resi Yadnya

Pawos 44

- (1) Sang pacang madeg Pandita utawi Pinandita minakadi Balian Sonteng, Kubayan, Dalang, sakaluwiring sane jadi ngenterang Yadnya patut masadok ring Prajuru Desa;
- (2) Prajuru Desa patut ngawas nintenin tur wenang ngalangin prade wenten kacihnan nyasar ring kakecap miwah drestane, tur sareng nyaksinin upacaranya saha nyobyahang ring paruman Desa tegep rawuhing wates kawenangannya ngenterang yadnya;
- (3) Krama Desa patut ngaturang ayah sapamadeg miwah ring pangelepas Sang Sulinggih riwekas katuntun olih Prajuru/Dulu Desa.

Pawos 45

- (1) Sang Sulinggih lan pamangku patut ngariyining muputang ring wawidangan Desa Adat Manuaba sasampun punika wawu muputang yadnya kajabar tios Desa utawi kadura Desa;
- (2) Krama Desa sami patut sareng ngawas nitenin katuntun olih Prajuru/Dulu-dulu, mangda sahanan yadnya sane kawentenang kaicen pamuput olih Padanda utawi Pinandita manut kawenangannya soang-soang.

Palet 3

Indik Pitra Yadnya

Pawos 46

Pamargin Pitra Yadnya madudonan manut sakadi ring sor :

ha. Pangupakaran Sang klayu sekaran :

- 1) Antuk mendem utawi ngeseng, makacihna pakingsan ring Ibu Pratiwi utawi ring geni, salami nuptupang prabeya;
- 2) Atiwa-tiwa (upakara pangabenan/palebon).

na. Upacara upakara Pitra Yadnya riwusan kaabenan ngararis mungah daun bingin (ngaroras) manut dudonan Atma Wedana.

Pawos 47

Swadharmaning lan tategenan prade wenten sinalih tunggil Krama kalayu sekaraan :

ha. Sang kaduhkitan patut :

- 1) Nyadokang ring Klian tur nunas tatimbangan ring kawentenanya;
- 2) Ngaturin Banjar ngarombo makarya eteh-ete sawa saha ngater kasetra, tur katuran panyambroma sasida-sidaan.

na. Swadharmaning Banjar :

- 1) Klian Banjar maritatas pamargin sang kaduhkitan, napike pacang kapendem, makingsan riyin utawi lantur kaabenang;
- 2) Prade kapendem, raris kaswarayangkulkul pamitahu manut pawos 19 (3) aksara na olih Klian Banjar utawi wakilnya.
- 3) Panyanggran Banjar salanturnyane :
 - ha) Soang-soang krama Banjar nedunang patus manut pararem/paswara soang-soang;
 - na) Ngarombo ngaryanin eteh-ete sawa, kasarengin olih Krama sane rawuh ngarombo;

- ca) Sami Krama Banjar nganter kasetra jantos pupus pamendemane.
- ca. Tan kengin ngalelet lengkungan ring 7 (pitung) rahina tur patut polih pagebagan manut paetengan Klihan Banjar;
- ra. Tan kalugra nginepang bangbang miwah mendem rikala :
Semut sadulur ;
Kala gotonganpepadan ;
Pasah ;
Kliwon, Kajeng Kliwon ;
Soma, Umanis, Taulu;
Was panganten;
Ingkel wong;
Prawani, Purnama, Tilem;
Rerahinan jagat;
Wuku Dunggulan, Kuningan, Langkir, Pujut.
- ka. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kul-kul tur mamargi wengi sasiliban;
- da. Pamargin pamendeman utawi palebonan nganutin sastra agama landresta.

Pawos 48

- (1) Sane kasinanggeh kacuntaka sakadi ring sor :
- ha. Cuntaka antuk kalayu sekaran;
- na. Cuntaka antuk ngraja swala;
- ca. Cuntaka antuk ngembasang putra;
- ra. Cuntaka antuk karuron;
- ka. Cuntaka antuk sakit ila, buduh;
- da. Cuntaka antuk pawiwahan;
- ta. Cuntakan antuk gamia gamana;

- sa. Cuntaka antuk salah timpal;
 - wa. Cuntaka antuk yening wentenan anak istri mobot nenten kaupakarayang pabiukawonan miwah pawidiwidana;
 - la. Cuntaka antuk mamitra ngalang;
 - ma. Cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidana;
 - ga. Cuntaka antuk sad Tatayi.
- (2) Sengker cuntaka manut kawentenannya :
- ha. Cuntaka kalayu sekaran, cuntakanya kaanutang ring loka dresta Desa Adat soang-soang;
 - na. Cuntaka ngraja swala, 3 rahina ngawit saking ngraja swala utawi salaming ngraja swala.
 - ca. Cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, lanang wiadin istrinya.
 - ra. Cuntaka karuron, cuntakanya abulan pitung rahina (42 rahina) tur sampun matirta pamerayascita;
 - ka. Cuntaka sakit ila, buduh/edan, cuntakanya manut ilikita pastika saking Sang Ngawawenang/sang nambanin miwah sampun mrayascita raga;
 - da. Cuntaka pawiwahan, cuntakanya ngantos sesampune matirta pabiukaonan;
 - ta. Cuntaka gamia gamana, cuntakanya ngantos sesampune kapalasang/kasapihang tur sampun kawntenang pamrayascita raga miwah pamrayascita Desa Adat/Kahyangan;
 - sa. Cuntaka salah timpal kapuputang manut ring sastra Agama Hindu;

wa. Cuntaka anak istri mobot nenten kawentenan upakara pabiukaonan, cuntakanya ngantos kawentenan upakara pabiokaonan;

la. Cuntaka mamitra ngalang, cuntakanya ngantos kawentenang upakara pabiukaonan;

ma. Ngembasang putra nenten kawentenang upakara pabiukaonan miwah pawidiwidanan, cuntakanya ngantos wenten sane mameras sang putra lan sampun kawentenang upakara manut ring sastra Agama Hindu;

ga. Cuntaka Sad Tatayi, cuntakanya ngantos sampun maprayascita raga tur nenten pisan dados ngamungguhahang upacara padwijatian.

(3) Cuntaka kalayu sekaraan kapademan :

ha. Kapendem cuntakanya :

- 1) Cuntaka/sebel banjar ngantos 3 rahina riwusnya mendem/manut drestha utawi sampun polih pamrayascita.
- 2) Kulawargania sajeroning pakarangan ngantos 42 harina/manut drestha.

na. Kaabenang cuntakanya :

Sang nyambut karya Pitra Yadnya cuntakanya ngawit saking nyambut padewasan nanceb karya, wusan mapegat kalanturang malih tigang rahina.

(4) Sane katiben cuntaka luwire :

ha. Kalayu sekaran sane kacuntaka :

- 1) Sang sane kalayu sekaran;
- 2) Kulawarganya;
- 3) Babanjaran;

na. Ngraja swala sane kacuntaka :

- Sang sane ngarajaswala.

ca. Ngembas putra sane kacuntaka :

- Kawulawargania sane ngembasang putra lanang wiadin istri.
- ra. Pawiwahan sane kacuntaka :
- Sang sane ngalaksanayang pawiwahan lanang wiadin sitri.
- ka. Sakit ila/buduh, sane kacuntaka raganya dawak.
- da. Karuron sane kacuntaka :
- Kawula warganya lanang wiadin istri.
- ta. Gamia gamana sane kacuntaka :
- 1) Sang sane ngalaksanayang gamia gamana;
 - 2) Desa Adatlan Kahyangan.
- sa. Salah timpal sane kacuntaka :
- 1) Sang sane melaksanan salah timpal;
 - 2) Kulawarganya;
 - 3) Desa Adat.
- wa. Anak istri mobot nenten kawentenang upacara pabiukaonan sane kacuntaka :
- Sane maraga istri (sane mobot).
- la. Mamitra ngalang sane cuntaka :
- Sane ngalaksanayang mamitra ngalang.
- ma. Ngembas putra nenten kawentenang upakara pabiukaonan miwah upakara mawidi-widana sane kacuntaka :
- 1) Sang sane ngembasang putra;
 - 2) Putra sane embas.
- ga. Sad Tatayi, sane kacuntaka :
- Sang malaksana Sad Tatayi.
- (5) Tan keneng cuntaka, luwire :
- 1) Sang sulinggih lan pamangku Kahyangan tiga;
 - 2) Rikala piodalan risampun ngalang sasih/ngalang tengah.
 - 3) Prajuru Adat
 - 4) Serati

Pawos 49

- (1) Attiwa-tiwa (pangabenan) kalaksanayang antuk :
 - ha. Sawa prateka, pangabenan mawatang sawa;
 - na. Sawa resi, pangabenan mawatang antuk sawa kresyan;
 - ca. Suwasta, pangabenan mawatang sawa sane tan kakeniang, kagentos antuk lalang utawi toya.
- (2) Panamayan pangabenan wenten kalih pawos :
 - ha. Ngaben dadakan/bah bangun;
 - na. ngaben ngamasa, nyabran 3 utawi 4 masa
- (3) Dudonan pangabenan ngawit saking ngagah (seda), ngeseng ngantos pangiriman utawi nganyut.

Pawos 50

- (1) Peputusan pangabenan wenten kalih pawos :
 - ha. Ngaben ngamasa : manut paswaran ring Banjar soang-soang;
 - na. Ngaben dadakan, manut paswaran ring Banjar soang-soang.
- (2) Pangingune ring Krama banjar ngawit ngayah manut abot dangan kawentenan karya.

Palet 4

Indik Manusa Yadnya

Pawos 51

- (1) Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas.
- (2) Upacara ring ajeng madudonan sakadi ring sor.
 - ha. Magedong-gedongan duk pangerempinian ibiang (garba wedana);
 - na. Duk sang kamareka medal;
 - ca. Kepus odel;
 - ra. Roras rahina;
 - ka. Tutug kambuhan (42 rahina);

- da. Ningang sasihan (3 sasih);
 - ta. Pawetuan/otonan/odalan (6 sasih);
 - sa. Tutug kelih (ngraja swala wadone, ngraja singa)
 - wa. Matatah/mapandes;
 - la. Mawiwaha;
 - ma. Mawinten
- (3) Upacara-upakara inucap nista, madia, utama manut sastra Agama Hindu lan dresta.

Palet 5

Indik Bhuta Yadnya

Pawos 52

- (1) Bhuta Yadnya inggih punika upacara-upakara byakala ring Pratiwi lan Kahyangan, sarwa prani saha upacara-upakara ring babuthan miwah ring piranti sewosan.
- (2) Upacara pabyakala ring sarwa prani, sarwa tumuwuh muwang piranti luwire :
- ha. Ring sarwa lelandep rikala Saniscara Kliwon wara Landep;
 - na. Ring sarwa tumuwuh lan piranti rikala Saniscara Kliwon wara Wariga;
 - ca. Ring sarwa syandana/wahana rikala saniscara Kliwon wara Kuningan;
 - ra. Ring sarwa lelangan rikala Saniscara Kliwon wara Krulut;
 - ka. Ring sarwa ingon-ingon/wewalungan rikala Saniscara Kliwon wara Uye;
 - da. Ring sarwa ringgit, ukir-ukiran rikala Saniscara Kliwon wara Wayang;
 - ta. Upacara pakala-kalan manusa manut widana, kabawos pabyakala.
- (3) Upacara pabyakala ring Pratiwi, Kahyangan lan Babuthan kawastaning macaru;

- (4) Pacaruan inucap ring ajeng nista, madia, utama, manut wiguna kadi ring sor :
- ha. Ekasata ;
 - na. Panca sanak;
 - ca. Tawur Agung;
 - ra. Panca Sata;
 - ka. Resi Gana;
 - da. Panca kelud.
- (5) Sajawaning kadi ring ajeng kawentenang upakara :
- ha. Majot-majotan utawi yadnya sesa nyabran wusan ngarateng;
 - na. Masapuh-sapuh rikala pacang wali ring pura;
 - ca. pacaruan pasasihan kalaksanayang nangken Tilem ngawit sasih ka 5, 6, 7, 8, lan ka 9, sawawanin wenten durbiksan jagat.

Pawos 53

- (1) Nangken ngawarsa rikalaning Tilem kasanga kawentenang tawur kasanga, kalanturang antuk ngarupuk, makacihna pacang mapag rahina panyepian benjangne.
- (2) Brata panyepian sane kamargiang olih krama Desa :
- ha. Amati geni : tan kengin maapi-api;
 - na. Amati Karya : tan kengin nyambut karya;
 - ca. Amati lelanguan, tan kengin maoneng-onengan, masuwara gora, lan sapanunggalannya;
 - ra. Amati lelungan, tan dados malancaran.
- (3) Pabratan inucap kamargiang sakeng semeng ngantos semeng benjangne raris kasuwarayang kulkul punika cihna pangembak.
- (4) Sang mamurung kecap ring ajeng keni pamidanda manut pararem Banjar/tempek soang-soang kamargiang olih patelik (pacalang Desa)

PANCAMA SARGAH
SUKERTA TATA PAWONGAN

Palet 1

Indik Pawiwahan

Pawos 54

- (1) Pawiwahan inggih punika patemon purusan kalawan pradana, malarapan panunggalan kayun suka lila kadulurin upasaksi sakala niskala.
- (2) Pamargin pawiwahan luwire :
 - ha. Papadikan antuk pakrunayan (darma swaka);
 - na. Ngarorod, marangkat riyin wawu kakrunayang;
 - ca. Nyeburin utawi sentana nyeburin (risampun nganutin upakara pamerasan);
- (3) Pidadab sang pacang mawiwaha patut :
 - ha. Sampun manggeh daha-taruna (prasida nganutin Undang-undang);
 - na. Sangkaning pada lila (tan kapaksa);
 - ca. Manut kecap sastra Agama (tan gamia-gamana);
 - ra. Kasudiwadani prade pangambile tios Agama, utawi kapatiwangi.
- (4) Pamargin pawiwahan mangda taler nganutin Undang-undang Perkawinan sakeng Sang Ngawawenang.

Pawos 55

- (1) Pawiwahan sane kapatutang ring Desa, sakadi ring sor :
 - ha. Sampun kamargiang pabyakala utawi pasakapan, kasaksiang sakala niskala olih Pandita utawi Pinandita (Tri loka saksi);
 - na. Wenten pasaksi Prajuru/Dulu-dulu sane mapakelingang utawi ngilikitayang pawiwahan;
 - ca. Sampun matengeran suwara kulkul saha jinah sesari penabuh kulkul manut parerem ring soang-soang Banjar;

ra. Pawiwahan inucap ring ajeng sampun kacatetan ring sang
Ngawawenang.

(2) Parabian sane tan manut kadi kecap ring ajeng sinanggeh tan patut.

Pawos 56

Tata caraning parabian patut sekadi sor :

ha. Sapa sira ugi pacang ngawarangan pakulawarganya patut masadok
ring Prajuru/Dulu-dulu, salanturnya Prajuru/dulu maritatas manut
tan manut pamargin parabine;

na. Pamargin papadikan manut dudonan :

1) Pakrunayan jantos ping tiga, saha soang-soang malarapan:

ha. Kaprathama antuk canang/sedah;

na. Kaping kalih antuk canang pangrawos;

ca. Kaping tiga antuk daksina pejati kabawos pamuput
pamadikan.

2) Risampune puput raris sang istri kaajak budal ring pakubon
sang-lanang, saha kalanturang antuk pabyakala.

3) Mangda puput tumus sekala niskala, raris kaluwarga purusa
makta pejati ring pamrajan wadone.

ca. Prade ngarorod/mrangkat patut :

1) Reraman lanange ngawentenang pamilaku/pengenduh antuk
duta sekirangnya 2 (kalih) diri ;

2) Pagenahan antene ten kengin ring pakubon sang lanang
sadereng mabeyakala.

ra. Sajeroning pakrunayan/panglukuan patut :

1) Kamanggala antuk geng pangampura arep ring reraman
wadone;

2) Kaigumang bawos idih pakidih utawi paleyayan arep ring
pasewakan sang ngidih saha dewasa pakerabkambeyane
riwekas;

- 3) Kacihnayang indik kapurusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
 - 4) Prade tan terima pejati, pakrunayan kamargiang jantos ping tiga.
- ka. Pakerab-kambeyan mapiteges upacara tinas apadang (puput) mapakuren, duwaning manut sekadi ring sor :
- 1) Sajeroning kabawos ngambe, kalaksanayang ring sekala niskala masarana jejauman miwah pawidi widana :
 - ha) Jejauman pinika ngambe/ ngadungan kayun soang-soang pakulawargan wadone
 - na) Widi widana pinaka pajati niskala nunas wadone ring pamrajanya.
 - 2) Sajeroning bawos kerab pamargi ring sekala :
 - ha) Antuk panyaksi Krama Banjar, dawning kaparabiang matengeran sawara kulkul :
 - na) Pamekas pasaksi Prajuru/Dulu-dulu sane ngilikitayang.

Palet 2

Indik Nyapian

Pawos 57

- (1) Pawiwahan prasida kawusang malarapan antuk palas parabian utawi seda.
- (2) Wusan mapakuren riantukan salah sinunggal seda mapiteges balu, makadi balu lanang/istri.
- (3) Palas parabian inggih punika sangkaning mawiwit wicara.
- (4) Sang ayat palas marabian patut atur supeksa pailikitan riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha keni panebes swaran kulkul manut parerem ring soang-soang Banjar.

Pawos 58

Tata cara palas parabian sakadi ring sor :

- ha. Nawur prabeya pasaksi sinalih tunggil sami matenga ;
- na. Pagunakayan polih pahan pada ;
- ca. Pabekel, tadtadan soang-soang kakuasa niri-niri miwah warisan kakuasa olih purusa ;
- ra. Ngaweruhin miwah ngupajiwain pratisentana manut swadharmaning guru rupaka;
- ka. Nawur pamidanda panebasan swaran kulkul manut parerem ring Banjar soang-soang ;
- da. Ngelung jinah logika Prajuru ;
- ta. Mapamit ring pamrajan lanange.

Pawos 59

Prade riwekas sang palas kacihnan adung malih, patut :

- ha. Nglaksanayang pawiwahan malih ;
- na. Kadenda nikel saking palase.

Pawos 60

(1) Sang balu kabinayang dados :

- ha. Balu luh wit sentana (sentana rejeg) miwah balu luh boya sentana:
- na. Balu muani kapurusa (wit sentana) miwah balu muani nyeburin (boya sentana).

(2) Swadharmaning balu inucap patut :

- ha. Ngemanggehang patibrata tan kengin ngamargiang paradara/darati krama ;
- na. nguasayang waris pagunakaya, tan dados ngadol, ngadeang, makidihang lan siosan punika, sajawaning kabebasan olih pianak utawi kulawarga pinih tampek sakeng kurenanya prade pianak kantun alit-alit ;

- ca. kengin ngidih sentana prade wenten pidabdab sadurung sinalih tunggil padem, saha ten wenten kapamen olih kulawarga sakeng kapurusa ;
- ra. Kawenangang mawiwaha malih, prade wenten ten wenten kapamenmanut angka/aksara ring ajeng.

Pawos 61

Balu kaucap tan pageh sakadi ring sor :

- ha. Daratikrama utawi paradara ;
- na. Matilar saking pakubon tan pasadok jantos 6 (enem) sasih (nilar sesana) ;
- ca. Lempas ring swardharma sewos-sewosan, tan prasida ngesehin solah maprawerti arep ring pituduh sane patut sakeng kulawarga purusa.

Palet 3

Indik Sentana

Pawos 62

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan patut ngawetuang sentana, mangda tan kantong kawastanin babinjat utawi astra patut kamanggala antuk panyangaskara.
- (4) Prade pawiwahan tan ngewentuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun nglaksanayang pawiwahan kaceburin.
- (6) Sang sane dados kaarsayang sentana rajeg inucap wiwit angka (5), inggih punika :

- ha. Pratisentana wadon tunggal
- na. Sampun kamanggehang dados pratisentana lanang (purusa)
- ca. Kapawiwahang kaceburing kautamayang olih jadma sane maagama hindu utawi jadma sane maagama siyosan sane sampun nglaksanayang pamarisuda raga utawi sudiwadani ;
- ra. Sane ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Prakraman.

Pawos 63

- (1) Ngangkat sentana manut dudonan patut makacihna arta berana pamerasan sane kasaksiang sekala niskalla ;
- (2) Sapa sira ugi krama pacang ngidih sentana patut masadok ring Bendesa sanistane 3 (tigang) sasih sadereng pamerasan. Bendesa ngalanturang pakarsa punika ring sang ngawa wenang ;
- (3) Bendesa kawalanin antuk Klian-klian Banjar nyobyahang ring sawidangan Desa, sang sapa sira ugi rumasa tan lila mangda nyadokang masengker kalih uku (14 rahina) sadurung kelaksanayang pamerasan ring Bendesa Adat ;
- (4) Prajuru/Dulu Desa digelis mawosin saha ngicenin pamutus nepek ring catur desa miwah parerem ;
- (5) Prade sulur paperasan tan manut kadi kecap ring ajeng, Prajuru/Dulu Desa wenang ngandeg sang pacang memeras saha ngicenin pamutus mangda kapuputang riyin bawos, sulur utawi wicaranya.

Pawos 64

- (1) Paperasan sane kapatut ring Desa risampun makacihna :
 - ha. Widi-widiana paperasan
 - na. Kasaksinin olih prajuru Desa sane makelingang utawi ngilikitayang.

- ca. kasobyahang ring wawidangan Desane.
- (2) Sane kapatut peras angge sentana kadi ring sor :
- ha. Jatma maagama Hindu ;
- na. papernahan nedunang saking sang meras ;
- ca. kuluwarga saking purusa, prade tan wenten kengin sakeng wadon, yening taler ten wenten wawu kangin sakama-kama (saking kayun)
- ra. Kautamayang saking waris kapurusa ;
- ka. Sinalih tunggil mawiwit saking kuluwarga tunggal sanggah utawi merajan, paibon lan dadia utawi ngambil anak tios sakewenten sang maagama Hindu.
- (3) Kengin ngangkat sentana langkungan ring adiri, lanang wiadin wadon, prade ngangkat sentana lanang wadon, nenten dados kapawiwahang.

Palet 4

Indik Warisan

Pawos 65

- (1) Warisan inggih punika tetamian arta berana saha ayah-ayah ngupadi kasukertan sekala lan niskala saking kaluhrannya arep ring turunannya.
- (2) Kang sinanggeh warisan luwere :
- ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya ;
- na. Pamerajan ;
- ca. Pagunakayan, tadtadan/jiwa dana, hutang piutang.
- (3) Wawu kengin kabawos warisan prade wenten :
- ha. Sang mapiturun (pawaris);
- na. Katurunan (ahli waris)
- ca. Arta berana miwah tategenan ayah-ayahan makacihna warisan.

Pawos 66

- (1) Ahli waris luwere
 - ha. Pratisentana purusa ;
 - na. Pratisentana pradana (sentana rajeg) ;
 - ca. Sentana paperasan lanang/wadon.
- (2) Prade tan wenten sekadi ring ajeng, kang sinanggeh ahli waris :
 - ha. Turunan purusa pernah mungguhahang, rerama lanang, pekak salantur ipun rerama misan, mindon ;
 - na. Turunan purusa pernah kasamping makadi kaponakan misan, mindon.

Pawos 67

Swadharmaning ahli waris patut :

- ha. Nerima saha nguasayang tetamian pahan saking kaluhuranya, makadi ngarempon sanggah, pura saha pangupakaranya miwah nyelidihinin ayah-ayahan pawaris ;
- na. Ngabenang pawaris saha ngalanturang upacara-upacara pitra ;
- ca. Nawurin hutang-hutang pawaris sane manut pangaloika.

Pawos 68

Pangepahan waris manut sekadi sor :

- ha. Risampun kalaksanayang Pitra Yadnya lan hutang-hutang pawaris buntas katawur.
- na. Para ahli waris polih pahan pada sangkaning pagunakayan, sajabaning karang/tegal, ayahan Desa kaamong olih ahli waris kang sinanggeh Krama ngarep ;
- ca. Sinalih tunggil ahli waris kengin tan polih pahan prade :
 - 1) Nilar kawitan lan sesananing Agama Hindu ;
 - 2) Alpaka guru rupaka ;
 - 3) Sentana rajeg kesah mawiwaha utawi pratisentana nyeburin, soang-soang kabawos ninggal kadaton.

- ra. Boya ahli waris kengin muponin hasil manut dudonan luwire :
- 1) Sentana luh salami dereng kesah mawiwaha utawi tan alpaka guru, miwah prade madrebe pianak tan kaangkenin olih wong tua rare inucap, kengin ngawaris wantah pikolih pagunakaya sentana luh inucap kemawon ;
 - 2) Balu luh wiadin muani nyeburin (soang-soang boya sentana) ;
 - 3) Mulih deha utawi taruna , riantukan ring pawiwahane pecak sampun kabawos ninggal kadaton.
- ka. Pawaris kengin maweweh rikala maurip pinaka jiwa dana, tadtada bekel, makacihma paweweh tetep ring pianak sane kesah mawiwaha.

Pawos 69

- (1) Prade sajeroning pakulawargan wenten ahli waris langkungan ring adiri patut :
 - ha. Kawentenang paigum indik pedum waris inucap ;
 - na. Yan tan prasida katunasang tatimbang ring prajuru (kerta desa);
 - ca. Prade taler tan wenten cumpu ring panepas Kerta Desa, kengin katumusang ring sang Rumawos.
- (2) Prade karang inucap kaputungan, patut Prajuru/Dulu-dulu nibakang ring:
 - ha. Sang sinaggeh ahliu waris manut pawos 64 ;
 - na. Sang kengin anggen sentana manut pamos 62 angka (2) miwa angka (3) ;
 - ca. Prade taler tan wenten cumpu ring panepas Kerta Desa, kengin katumusang ring sang Rumawos.
- (3) Prade jantos karang Desa kaepah utawi kasepih, patut soang-soang nedunin makrama Desa marep.

SAD SARGAH
SUKERTA TATA PALEMAHAN

Kaping 1

Karang, Tegal lan Carik

Pawos 70

- (1) Krama Desa pangamong karang Desa utawi gunakaya patut ngawatesin karang inucap antuk tembok utawi pagehan mangda pakantenannya asri;
- (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan, sajawaning tanah pacatu, tegal-carik utawi tanah padruweyan ngaraga, sane kapiara wantese sisi klod miwah kauh utawi manut drestha reh punika mawasta gegaleng kabeten.
- (3) Prade karasayang pagehan/turus inucap ngalikadin, yan pada arsa panyandinge, kengin watese nganggen pinget kewanten, kasaksinin olih Prajuru/Dulun Desa utawi pracihna pal saking Sang Ngawawenang.
- (4) Prade wenten karang kabebeng/embet mangda kautsahayang wenten pamarginnya, manut paigum lan pararem.

Pawos 71

- (1) Sinalih tunggil Krama Desa/Banjar tan kalugra :
 - ha. Ngalah-alah margi, tegal ayahan Desa, karang Desa, lan sapanunggalannya;
 - na. Ngalah-alah tanah linggih kahyangan, tegak setra, lan sakancan linggih sinanggeh suci.
- (2) Prade wenten sakadi ring ajeng, sang ngalalah wenang ngawaliang tanah inucap saha keni pamidanda manut pararem kadulurin upakara prade ngalalah tanah suci.

Palet 2
Papayonan
Pawos 72

- (1) Ngawit nandur kekayonan tanem tuwuh patut adepa agung 3 (meter) ngajeroang saking wates, prade jantos ngaliwat wates wenang kasepat gantungin.
- (2) Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda pradisa sang nruwenang wit ngarebah utawi notor.
- (3) Jening wenten wit tan ngungkulin ngarebahin kapisage, wenang wit inucap saungkul kedaut/ketaban, sang madruwe wit tan keni pamidanda.
- (4) Prade sampun kawara taler tan wenten usaha sang nruwenang wit, sang rumasa katetehan/kajerihan wenang masadok ring prajuru/Dulun Desa, tur risampunan kaparitas kalugra mademang wit inucap, kapademan antuk sang madruwe.
- (5) Sang keni pamidanda panyangaskara saha prabeya manut pararem arep ring wewangunan sang karubuhin, luwire :
 - ha. Sang nruwenang wit sinanggeh mayanin, prade pungkut ngarubuhin wewangunan krama tiyos;
 - na. Sang notor, munggul utawi ngarebah taru tur ngarubuhin krama tiyos.
- (6) Prada wenten wit mentik sajronin wates patut kapademang, mangda tan ngranayang wicara. Prade sampun ageng kapademang, wit punika pinara tiga :
 - ha. Apah tiga katur ring sang nruwenang wit.
 - na. Apah tiga katur ring sang penyandingnya.
 - ca. Apah tiga katur ring Desa Adat.
- (7) Krama Desa patut ngamanggehang kawerdian tanem tuwuh sane ngawinang Desane asri.

Palet 3

Wewangunan

Pawos 73

- (1) Nyabran ngawangun patut :
 - ha. Masadok ring Prajuru/Dulun Desa, ping ajeng prade wewangunan nganinin wates;
 - na. Ngangge sukat asta bhumi miwah gagulak asta kosala-kosali, sanistane manut ring patitis niskala;
 - ca. Tan nyayubin kapisaga;
 - ra. Tan dados ngembahang toya wit saking jempeng/WC, miwah belengbeng/bada ka pisage.
- (2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru/Dulun, wenang kadanda manut pararem saha tembok inucap kagubar utawi sanistane mangda kakaryanang abangan.

Palet 4

Wewalungan

Pawos 74

- (1) Warga Desa sane mamiara wewalungan patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih jantos ngaranjing ngaletihin Kahyangan.
- (2) Prade wenten wewalungan malumbar utawi ngeleb ngarusak pakarangan/pabianan Krama sewos, risampun kawara dados kataban tur kadanda ngawaliang wit sane karusak saha nawur panebas papiaran tetabahan, manut pangelokikan Prajuru/Dulun Desa.
- (3) Prade jantos ngaletihin linggih suci minakadi Pamrajan, risampunan kaparitas olih Prajuru/Dulun wenang sang nruwenang kadanda mabuhu agung (caru eka sata, maduluran tebasan prayascita durmanggala), prade ngaletihin Kahyangan Desa utawi Pura

Pamaksan, wenang nyaronin antuk Panca sata makerep itik belang kalung.

- (4) Krama desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan, Prade wenten malaksana sakadi punika keni pamidanda manut pararem tur kaaturang ring sang Ngawawenang.

Palet 5

B h a y a

Pawos 75

- (1) Periindik bhaya, luwire : Jiwa bhaya, artha bhaya (kapandangan), dura cara ring Agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 19 (3) aksana ha.
- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawawenang.
- (4) Prade wenten jadma mamisuh utawi nguman-uman jadma tiyos, kakenanin pamidanda beya pacamil maduluran tebasan prayascita.
- (5) Yaning wenten jadma majengilan ring bale Banjar, ring Pura, utawi ring genah sane kasinanggeh suci, keni pamidanda manut pararem, maduluruan panyangaskara prade sang majengilan kantos ngamedalang rah.

Pawos 76

- (1) Sang manggihin kahanan artha bhaya (duratmaka), patut ngulkul mapitulung manut ring pawos 19 (3) aksara ha utawi sang kamalingan atur supeksa ring Prajuru/Dulun Desa sane pacang nimbangin utawi nandanin manut pararem, saha maweweh panyangaskara prade wenten jadma ngamaling barang sinanggeh suci.

- (2) Pratingkahe mapailon ring dusta kabawos saruron, prade wenten jadma manggihin maling tan nyadokang ring Prajuru/Dulun jantos jadma tiyos nyaduang, patut kadanda kadi dandaning maling, sakweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.
- (3) Prade wenten jadma ngarereh reramon, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jadma ngaranjing kapakubon wiadin pakarangan jatma tiyos rikala suwung, mawastu sang madruwe karang kaicalan, wenang jadma inucap katuwekang anduk madewa saksi ring Pura Bale Agung.
- (5) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
 - ha. Matengeran suwara (makaukan);
 - na. Nyantos sangnruwenang karang rawuh utawi masadok ring pangapit pinih tampek, maka buatan pangaranjinge;
 - ca. Pamedal karangnya kadangingin batu/surat/sawen maka cihna pangarah rikala suwung.

SAPTAMAS SARGAH
WICARA LAN PAMIDANDA

Palet I

Indik Wicara

Pawos 77

- (1) Sane wenang mawosin makadi mutusang wicara ring desa inggih punika Prajuru/Dulu Desa sinanggeh Kerta Desa.
- (2) Tata dudonan mawosin saha muputang wicara warga desa kadi ring sor :
 - ha. Kaping ajeng kabawosin olih Kelihan Banjar ;
 - na. Tan cumpu ring panepas Kelihan Banjar, katumusang Ring Bendesa Adat lan Kerta Desa ;
 - ra. Taler lan wenten cumpu ring pamutus Bendesa lan Kerta Desa katunasang ring paruman Desa Adat.
- (3) Prade sang mawicara tan wenten cumpu ring pamutus paruman desa lan kerta Desa, kengin nunasang wicara inucap ring sang Rumawos.

Pawos 78

- (1) Sahanan wicara mawiwit kecorahan saka luwire sinanggeh nungkasin daging Awig-awig, parerem miwah paswaran Desa/Banjar, Prajuru/Dulu digelis mawosin tan nyantos pasadok.
- (2) Sajaba wicara kadi ring ajeng patut nyantosan pasadok sang nunas bawos.
- (3) Panepase patut pastika nyantenang iwang patut malarapan Tri Pramana (saksi, ilikita, bukti) miwah tan maren nepek ring Catur Dresta

Palet 2
Indik Pamindanda
Pawos 79

- (1) Desa/Banjar wenang niwakang pamindanda ring warga Desa/banjar sabe sisip.
- (2) Paniwak inucap kalaksanayang olih Bendesa/Klian Banjar
- (3) Bacakan pamindanda luwire :
 - ha. Ayahana panukun kasisipan ;
 - na. Danda arta ;
 - ca. Kanorayang ;
 - ka. Karampas ;
 - da. Kasepekan;
- (4) Pamindana sane katiwakang patut sor singgih manut ring kapasipane (kasuda malan desa)
- (5) Jinah utawi raja brana pamindanda ngranjing dados druwen Desa/Banjar.

Pawos 80

- (1) Krama sane langkungan ring wali tigang paruman ngalantur tan nawur urunan miwah dadendan wenang karampas.
- (2) Rerampasang ngangge tata cara kadi ring sor :
 - ha. Kalaksanayang olih Prajuru kasesaring olih Krama saakeha tigang diri maka saksi ;
 - na. Sang ngrampas sangkaning darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukserehang barangnya sane dados wala ;
 - ca. Prajuru/Dulu miteketang mangda barang-barang sane karampag digelis katebus, masengker awuku (7 rahina) ring kutus rahinane pacang kaadol ;

ra. Tan nganinin saluwir barang sane patut inggilang manut Agama miwah tan mademang pangupa jiwa sang karampag.

Pawos 81

- (1) Prade sang pacang karampas ngawara (ngalangin) palaksanaan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- (2) Samaliha yen purun taler ngalangin pelaksanaan kadi ajeng tan wenten pamargi sajawaning kasepe kang olih Krama Desane;
- (3) Pamidanda inucap ring ajeng keni buntas risampun sang kakeninin :
 - ha. Nunas geng pengampura ring Krama Desa riantukan nguak pasubaya (parerem) pecak ;
 - na. Nawur pangargan penguak pasubayane duk pacang ring karampag kadulurin pamrayascitta pangyapsap kaiwangane ring Desa.

ASTAMAS SARGAH
NGUWAH-NGUWUHI AWIG-AWIG

Pawos 82

- (1) Nguwah-nguwuhin Awig-awig Desa puniki kalaksanayang ring paruman Desa.
- (2) Awig-awig puniki kamargiang ngawit kaingkupin (kareremin)

Pawos 83

- (1) Sakaluwirin sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin atuk pararem-pararem.

NAWAMAS SARGAH

SAMAPTA

Pawos 84

- (1) Awig-awig puniki karareminolih Paruman Desa Adat Manuaba duk rahina Budha wuku Julungwangi pinanggal/panglong 2 (kalih) sasih Ketiga Icaka Warsa 2020 tanggal masehi 2 Bulan 09 tahun 2020 tur kaparipurnayang olih Paruman Desa Adat Manuaba ring rahina Budha wuku Julungwangi Pinanggal 2 (kalih) sasih Ketiga Caka Warsa 2020 Tanggal Masehi 2 Bulan 09 Tahun 2020 magenah ring Pura Desa, Desa Adat Manuaba.
- (2) Awig-awig puniki kalingga tanganin olih Bendesa, Prajuru Desa, Sabha Desa, lan Kertha Desakasarengin Klian-Klian Banjar, saha kasaksinin olih Prajuru Dinas pinaka saksi.
- (3) Luwir sang ngalingga Tangganin :
ha. Kaprathama Prajuru Desa Adat.

1. Bendesa Desa Adat Manuaba

2. Penyarikan Manuaba

(I Ketut Dana)

(Dewa Putu Suta Ardana)

3. Sabha Desa Adat Manuaba

4. Kertha Desa Adat Manuaba

(I Made Adi Gorim, SE)

(I Ketut Dana)

5. Klian-Klian Banjar Adat Desa Adat Manuaba

Klian Banjar Adat Pande

Klian Banjar Adat Tangkas

(I Nyoman Sudiarsa)

(Wayan Lamun)

Klian Banjar Adat Triwangsa

Klian Banjar Adat Tengah

(Dewa Ketut Rai Suadnyana)

(I Wayan Pugera)

Klian Banjar Adat Gunaksa

Klian Banjar Adat Dukuh

(Wayan Raos)

(Ketut Nadi)

Klian Banjar Adat Pinjul

(Nengah Dwiara)

na. Kaping kalih Prajuru Dinas Pinaka Saksi :

1. Kelian Dinas Br. Pande 2. Kelian Dinas Br.Tangkas 3. Kelian Dinas Br.Tengah

(I Wayan Suidiana)

(I Wayan Sujana)

(I Ketut Saren)

4. Kelian Dinas Br.Triwangsa 5. Kelian Dinas Br.Gunaksa 6. Kelian Dinas Br.Dukuh

(I Dewa Putu Gede Susanta)

(I Made Suparsa)

(I Ketut Gede Sudastra)

7. Kelian Dinas Br.Pinjul

(I Nyoman Sudana)

Plt. Camat Tegallalang

Kepala Desa Kenderan

(I Komang Alit Adnyana, SSTP)
NIP. 19791216 199810 1 001

(I Dewa Gede Jaya Kesuma)

Telah Dicatatkan di Kantor Bupati melalui Dinas
Kebudayaan Kabupaten Gianyar,
Pada tanggal :
Nomor :

Kepala Dinas
Kebudayaan Kabupaten Gianyar

I Ketut Mudana, SH. MBA
Pembina Utama Muda
NIP: 19690101 198803 1 004